

საქართველოს ფიზიკური აღზრდისა და სპორტის სახელმწიფო  
საზოგადოებრივი კოლეჯი



საკონტაქტო ინფორმაცია:

მისამართი: ჭავჭავაძის გამზ.49 0162

ტელ: (+995) 32 2 23 06 26

ვებ-გვერდი: [www.sportcolle.ge](http://www.sportcolle.ge)

ელ-ფოსტა: [sportgeocollege@gmail.com](mailto:sportgeocollege@gmail.com)

თბილისი 2019

## სსიპ - საქართველოს ფიზიკური აღზრდისა და სპორტის სახელმწიფო საზოგადოებრივი კოლეჯი

სპორტის მიმართულების პროფესიული საგანმანათლებლო დაწესებულების მოღვაწეობა, ჩვენს ქვეყანაში 1933 წლიდან იღებს სათავეს. ამ წელს დაარსდა ქვეყნის ერთერთი უძველესი პროფესიული სასწავლებელი - ფიზკულტურის ტექნიკუმი. მოგვიანებით ტექნიკუმს მწვრთნელთა სკოლა ეწოდა. 1977 წელს კი კვლავ დაუბრუნდა ფიზკულტურის ტექნიკუმის სახელი. 2000 წელს ტექნიკუმმა სპორტული კოლეჯის სახელით განაგრძო მოღვაწეობა. 2009 წელს სპორტის კოლეჯს სტატუსი შეუჩერდა. ამ ნაბიჯით მოხდა სპორტის მიმართულებით საგანმანათლებლო პროცესის ლიკვიდაცია, რადგან ერთი წლით ადრე სტატუსი შეუჩერდა უმაღლეს სასპორტო საგანმანათლებლო დაწესებულებას. შედეგად მივიღეთ რეალობა, როდესაც შეიქმნა ძალიან მოცულობითი ვაკუუმი. კვალიფიციური სპეციალისტების დეფიციტმა გამოიწვია უამრავი პრობლემა და პირველ რიგში ამ პროცესებმა მასობრივი სპორტის განვითარებაზე იმოქმედა. 6 წლიანი პაუზის შემდეგ, 2014 წლის გაზაფხულზე სპორტის კოლეჯს კვლავ აღუდგა სტატუსი. სპორტის კოლეჯმა 2014 წლის აგვისტოში წარმატებით გაიარა ავტორიზაცია და კვლავ დაიწყო საგანმანათლებლო მოღვაწეობა. პირველივე წელს სპორტის კოლეჯში მოხვედრის მსურველთა რიცხვი 3-ჯერ აჭარბებდა ადგილების რაოდენობას. უნდა აღინიშნოს, რომ მსგავსი ვითარებაა მომდევნო წლებშიც გაგრძელდა და დღეს ჩვენს კოლეჯში 5 საგანმანათლებლო პროგრამაზე 3564 სტუდენტი სწავლობს.

არსებობის 85 წლიანი ისტორიის მანძილზე სპორტის კოლეჯის კურსდამთავრებული გახდა არაერთი სახელოვანი სპორტსმენი თუ მწვრთნელი, რომელთა შორის არიან მსოფლიო და ოლიმპიური ჩემპიონები და პრიზიორები: ლაშა ტალახაძე, მურმან თურმანიძე, თათია ლორთქიფანიძე, ზაზა ნადირაძე, თეონა ბოსტაშვილი, სანდრო ბაზაძე, ვახტანგ ბალავაძე და სხვები. 2014 წლიდან დღემდე, ხუთწიანი არსებობის მანძილზე, სპორტის კოლეჯმა 300-ზე მეტი კურსდამთავრებული გამოუშვა. მათი უმეტესობა წარმატებით არის დასაქმებული სპეციალობების მიხედვით.

გასულ წლებში კოლეჯი 6 საგანმანათლებლო პროგრამას ახორციელებდა. ვფიქრობთ მომდევნო წლებში ჩვენი კოლეჯი კიდევ ბევრ საინტერესო და დასაქმებაზე ორიენტირებულ პროგრამას შესთავაზებს დაინტერესებულ პირებს. ვინაოდან, ჩვენი კოლეჯი მომავალშიც აპირებს თანამშრომლობა გააგრძელოს პარტნიორ ორგანიზაციებთან, რაც საწინდარია ჯანმრთელო ცხოვრების ხელშეწყობისა და დანერგვის მიმართულებით.

**მისია** - სსიპ საქართველოს ფიზიკური აღზრდისა და სპორტის სახელმწიფო საზოგადოებრივი კოლეჯის, როგორც ჩვენი ქვეყნის ერთადერთი სასპორტო მიმართულების პროფესიული დაწესებულების მისიაა, საეთაშორისო სტანდარტების გათვალისწინებით მაღალკვალიფიციური კადრების მომზადება, რაც ხელს შეუწყობს ქვეყანაში ჯანსაღი ცხოვრების წესისა და მასობრივი სპორტის დანერგვა/ განვითარებას და შრომის ბაზარზე არსებული დეფიციტისა და მოთხოვნების უზრუნველყოფას. თითოეული სტუდენტის განათლების, მომზადებისა და განვითარებისთვის ჩვენს კოლეჯში შექმნილია ყველა პირობა. უზრუნველყოფილია სწავლებისა და სპორტული პროცესების ურთიერთშერწყმა და სპორტული და მასთან დაკავშირებული დარგების საგანმანათლებლო საქმიანობის ეფექტურად წარმართვა. მთელი სიცოცხლის განმავლობაში სწავლა/სწავლების პროცესი რაც პროფესიული გადამზადებისა და კვალიფიკაციის ასამაღლებელი კურსების შეთავაზებით ხორციელდება. კოლეჯი უზრუნველყოფს თანამშრომლობას პარტნიორ ორგანიზაციებთან, სპორტულ ფედერაციებთან და კლუბებთან, პედაგოგებისა და პერსონალის მუდმივ განვითარებასა და კვალიფიკაციის ამაღლებას. სპორტის კოლეჯი, თავისი საქმიანობით, მიზანმიმართულად ახორციელებს მასობრივი სპორტისა და ჯანმრთელი ცხოვრების წესის პროპაგანდას და მეტი ადამიანის ჩართულობას ამ სფეროში.

**ხედვა** - 2030 წლისთვის სპორტის სფეროში აღმოფხვრილია პროფესიონალი კადრების დეფიციტი. სპორტის კოლეჯი, როგორც სასპორტო მიმართულების პროფესიული სასწავლებელი არის ლიდერი დაწესებულება პროფესიულ განათლებაში კავკასიის რეგიონის მასშტაბით.

**კოლეჯის ღირებულებები** - სპორტის კოლეჯის მთავარ ღირებულებას პროფესიონალიზმი, გუნდური მუშაობა და ღიაობა წარმოადგენს. ჩვენთვის მნიშვნელოვანია სამართლიანობა, თანასწორობა და ადამიანის უფლებების დაცვა ისეთ მნიშვნელოვან ასპექტთან მიმართებაში, რასაც გუნდური მუშაობის პრინციპები და საზოგადოების მიმართ პასუხისმგებლობა ქვია.

სპორტის კოლეჯში არსებულ საგანმანათლებლო პროგრამებში ჩართულები არიან კვალიფიციური და გამოცდილი პედაგოგები, დარგის სპეციალისტები. გაფორმებული გვაქვს ურთიერთთანამშრომლობის მემორანდუმები საწარმოო და სასწავლო პრაქტიკის ობიექტებთან. როგორც ჩვენი ქვეყნის ერთადერთმა სასპორტო მიმართულების პროფესიული დაწესებულებამ, ჩვენ მიზნად დავისახეთ მაღალკვალიფიციური კადრების მომზადება და სპორტის სფეროში პროფესიული განათლების მიმართულებით მიმზიდველი გარემოს შექმნა. ამ მიზნით ჩვენი კოლეჯი ჩართული იყო და მომავალშიც გეგმავს ჩაერთოს განათლებისა და მეცნიერების სამინისტროს ყველა პროექტსა და ტრენინგში. სიამაყით შეგვიძლია ვთქვათ, რომ ჩვენი კოლეჯი ერთერთი პირველი იყო, რომელიც ჩაერთო მოდულური სწავლების პროცესში. სპორტის კოლეჯი ასევე ზრუნავს პედაგოგებისა და ადმინისტრაციის კვალიფიკაციის ამაღლებაზე. კოლეჯის თანამშრომლები მონაწილეობდნენ არაერთ ტრენინგში. 2017 წელს კოლეჯის 14 პედაგოგს გადაეცა მასწავლებელთა პროფესიული განვითარების ეროვნული ცენტრის სერთიფიკატი.

# ბეჭდური და ონლაინ გამოცემების რეპორტიორი

## პროფესიული საგანმანათლებლო პროგრამის ჩარჩო დოკუმენტი

- I. **სახელწოდება:** ბეჭდური და ონლაინ გამოცემების რეპორტიორი
- II. **სარეგისტრაციო ნომერი:** 03201-პ
- III. **პროფესიული კვალიფიკაციის დონე ევროპულ საკვალიფიკაციო ჩარჩოს მიხედვით:** მეოთხე
- IV. **მისანიჭებელი პროფესიული კვალიფიკაცია:** ბეჭდური და ონლაინ გამოცემების რეპორტიორის მეოთხე საფეხურის პროფესიული კვალიფიკაცია
- V. **საკანონმდებლო ბაზა:**
  - საქართველოს კანონი „პროფესიული განათლების შესახებ“
  - ეროვნული საკვალიფიკაციო ჩარჩო
  - ბეჭდური და ონლაინ გამოცემების რეპორტიორის პროფესიული სტანდარტი
- VI. **პროგრამაზე დაშვების წინაპირობა:** სრული ზოგადი განათლება
- VII. **კურსდამთავრებულთა კარიერული შესაძლებლობები:**

პროგრამის დასრულების შემდეგ პირს შეუძლია დასაქმდეს ბეჭდური გამოცემაში (გაზეთები, ჟურნალები), ონლაინგამოცემებში, საინფორმაციო სააგენტოებში, პრესსამსახურებში
- VIII. **პროგრამის მიზანი:**

პროგრამის მიზანია მოამზადოს პროფესიული სტუდენტი, რომელიც შეძლებს მრავალფეროვანი წყაროების გამოყენებით ინფორმაციის მოპოვებას, დამუშავებას, ტექსტური ან მულტიმედიის სახის პროდუქტის (ტექსტური, აუდიო, ფოტო და/ან ვიდეოფორმატის კომბინაცია) შექმნას და ბეჭდურ და/ან ონლაინსაშუალებით გამოქვეყნებას.
- IX. **სწავლის შედეგები:**

პროგრამის დასრულების შემდეგ პირს შეუძლია:

- სხვადასხვა ტიპის საინფორმაციო რესურსებთან მუშაობა
- წერილობით ტექსტზე მუშაობა
- პროფესიული ეთიკისა და საქართველოს კანონმდებლობის დაცვით ბეჭდური და/ან მულტიმედია პროდუქტის შექმნა
- მედიაპროდუქტის ატვირთვა ვებგვერდზე, ბლოგზე, სოციალური ქსელებით

**X. პროგრამის მოცულობა და ხანგრძლივობა:**

- ა) ქართულენოვანი სტუდენტებისთვის
- მოცულობა - 110 კრედიტი
  - სავარაუდო ხანგრძლივობა - 21 სასწავლო თვე
- ბ) არაქართულენოვანი სტუდენტებისთვის
- მოცულობა - 140 კრედიტი
  - სავარაუდო ხანგრძლივობა - 26 სასწავლო თვე



**XI. პროგრამის სტრუქტურა და მოდულები:**

სავალდებულო ზოგადი მოდულები		სავალდებულო პროფესიული მოდულები	პროფესიული მოდულები	არჩევითი მოდულები	პროფესიული მოდულები
დასახელება	კრედიტი	დასახელება	კრედიტი	დასახელება	კრედიტი
ინტერპერსონალური კომინიკაცია	3	გაცნობითი პრაქტიკა - ბეჭდური და ონლაინ გამოცემების რეპორტიორი	2	ჯანდაცვისა და სოციალური საკითხების გაშუქება	5
რაოდენობრივი წიგნიერება	2	საწარმოო პრაქტიკა - ბეჭდური და ონლაინ გამოცემების რეპორტიორი	12	სპორტის გაშუქება	5
ინფორმაციული წიგნიერება 1	3	პრაქტიკული პროექტი - ბეჭდური და ონლაინ	6	განათლების საკითხების გაშუქება	5

		გამოცემების რეპორტიორი			
მწარმეობა 2	2	ახალი ამბების წარმოება	7		
უცხოური ენა	5	ინფორმაციის მოძიების ტექნიკა	5		
ქართული ენა A2	15	წერილობით ტექსტთან მუშაობა	7		
ქართული ენა B1	15	ფოტოსაქმე	5		
		ვიდეომასალაზე მუშაობა	5		
		ახალი მედია	6		
		პროფესიული ეთიკის დაცვა	6		
		პროფესიული უსაფრთხოების დაცვა	2		
		კანონმდებლობა რეპორტიორისათვის	4		
		სახელმწიფო სტრუქტურებთან მუშაობა	4		
		ინგლისური ენა - (B1+/ B2) ბეჭდური და	5		

		ონლაინ გამოცემების რეპორტიორისათვის			
		კომუნიკაცია-2	2		
		პირველადი გადაუდებელი დახმარება	2		
<b>სულ:</b>	<b>15 (45)</b>	<b>სულ:</b>	<b>80</b>	<b>სულ:</b>	<b>15</b>

### XI.I. არაქართულენოვანი პროფესიული სტუდენტების სწავლება

„მოდულების, ქართული ენა A2 და ქართული ენა B1 გავლა სავალდებულოა მხოლოდ იმ პროფესიული სტუდენტებისთვის, რომლებმაც პროფესიულ საგანმანათლებლო პროგრამაზე სწავლის უფლება მოიპოვეს „პროფესიული ტესტირების ჩატარების დებულების დამტკიცების თაობაზე“ საქართველოს განათლებისა და მეცნიერების მინისტრის 2013 წლის 27 სექტემბრის ბრძანება №152/ნ ბრძანებით დამტკიცებული დებულების მე-4 მუხლის მე-2 პუნქტით გათვალისწინებულ რუსულ, აზერბაიჯანულ ან სომხურ ენაზე ტესტირების გზით. აღნიშნული პირებისათვის პროფესიულ საგანმანათლებლო პროგრამაზე სწავლება იწყება ქართული ენის მოდულებით.“

შესაბამისად, აღარ არის საჭირო ქართულენოვანი სტუდენტებისათვის ქართული ენის კრედიტების ჩათვლა (აღიარება). პროგრამების მოცულობა და სავარაუდო ხანგრძლივობა სხვადასხვაა ქართულენოვანი და არაქართულენოვანი სტუდენტებისათვის: ქართულენოვანი სტუდენტებისთვის ის განისაზღვრება - 110 კრედიტით, ხოლო არაქართულენოვანი სტუდენტებისთვის - 140 კრედიტით

### XII. პროფესიული სტუდენტის მიღწევების შეფასება

1. შეფასება არსებობს განმავითარებელი და განმსაზღვრელი.
2. განმავითარებელი შეფასება შესაძლოა განხორციელდეს როგორც ქულების, ასევე ჩათვლის პრინციპების გამოყენებით.
3. განმსაზღვრელი შეფასება ითვალისწინებს მხოლოდ ჩათვლის პრინციპებზე დაფუძნებული (კომპეტენციების დადასტურებაზე დაფუძნებული) სისტემის გამოყენებას და უშვებს შემდეგი ორი ტიპის შეფასებას:
  - ა) სწავლის შედეგი დადასტურდა;
  - ბ) სწავლის შედეგი ვერ დადასტურდა.
4. განმსაზღვრელი შეფასებისას უარყოფითი შედეგის მიღების შემთხვევაში პროფესიულ სტუდენტს უფლება აქვს, მოითხოვოს სწავლის შედეგების მიღწევის დამატებითი შეფასება პროგრამის დასრულებამდე.
5. შეფასების მიმართულებები და შეფასების ინსტრუმენტების ალერნატიული ჩამონათვალი მოცემულია შესაბამის მოდულში.
6. შეზღუდული შესაძლებლობისა და სპეციალური საგანმანათლებლო საჭიროების მქონე პირთა პროფესიულ საგანმანათლებლო პროგრამაში ჩართულობის მიზინით ასეთი პირები მოდულზე დაიშვებიან მოდულის წინაპირობის/წინაპირობების დაძლევის გარეშე.

### XIII. პროფესიული კვალიფიკაციის მინიჭება:

პროფესიული კვალიფიკაციის მინიჭება წარმოადგენს ავტორიზებული საგანმანათლებლო დაწესებულების პრეროგატივას. პროფესიული კვალიფიკაციის მოსაპოვებლად სტუდენტმა უნდა დააგროვოს ყველა ზოგადი და პროფესიული სავალდებულო, ასევე არჩევითი პროფესიული მოდულებით გათვალისწინებული კრედიტები,

